

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-1052-9/25
Teočak, 15.09.2025. godine

Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o javnim nabavkama roba, usluga i radova u općini Teočak („Službeni bilten općine Teočak“ broj: 05/23) i člana 43. Statuta Općine Teočak („Službeni bilten općine Teočak“ broj: 5/08, 2/12 i 1/22), a na Preporuku Komisije za javne nabavke Općinski načelnik d o n o s i:

O D L U K U

o rezultatima okončanog postupka javne nabavke i izboru najpovoljnijeg ponuđača

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj: 02-11-1052-7/25 zaključenog dana 15.09.2025. godine, Ugovor za nabavku usluge stručnog nadzora nad izvođenjem radova na rekonstrukciji i asfaltiranju lokalnih puteva u Mjesnoj zajednici Sniježnica oštećenih elementarnim nepogodama dodjeljuje se najpovoljnijem ponuđaču „RADIS“ doo Istočno Sarajevo, za ponuđenu cijenu od **3.077,28 KM** bez PDV-a po ponudi broj: 2010-09/25 od 04.09.2025. godine. Ukupna vrijednost usluge s obračunatim PDV-om iznosi **3.600,42 KM**.

Član 2.

Prijedlog Ugovora dostavit će se na potpis izabranom ponuđaču na adresu „RADIS“ doo Istočno Sarajevo, ulica Jovana Dučića 16; 71123 Istočno Sarajevo.

Član 3.

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Teočak, Centar bb, 75414 Teočak ili lično na Protokol Općine, dostaviti originale ili ovjerne kopije dokaza o činjenicama navedenim u Izjavi iz člana 45. Zakona o javnim nabavkama BiH.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama i bit će objavljena na web stranici općine www.teocak.gov.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1052-1/25 od 05.03.2025. godine. Javna nabavka je provedena putem otvorenog postupka. Procijenjena vrijednost javne nabavke je bila 6.400,00 KM bez PDV-a.

Komisija za javnu nabavku, koja je imenovana Rješenjem broj: 02-11-204/25 od 30.01.2025. godine, Ugovornom organu je dostavila dana 02.04.2025. godine Zapisnik o otvaranju ponuda broj: 02-11-1052-6/25 i Zapisnik o pregledu i ocjeni ponuda sa preporukom za izbor najpovoljnijeg ponuđača broj 02-11-1052-8/25 zaključen dana 15.09.2025. godine u postupku javne nabavke stručnog nadzora nad izvođenjem radova na rekonstrukciji i asfaltiranju lokalnih puteva u Mjesnoj zajednici Sniježnica oštećenih elementarnim nepogodama.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 4 (četiri) i to ponude od: „AIK INŽENJERING“ doo Banovići, „RADIS“ doo Istočno Sarajevo, „NOING“ doo Tuzla i Institut za građevinarstvo „IG“ doo Banja Luka;
- da je blagovremeno zaprimljeno 4 (četiri) ponude i to ponude od: „AIK INŽENJERING“ doo Banovići, „RADIS“ doo Istočno Sarajevo, „NOING“ doo Tuzla i Institut za građevinarstvo „IG“ doo Banja Luka;
- da je neblagovremeno zaprimljeno 0 (nula) ponuda;

Prilikom analize ponuda vezano za ispunjavanje zahtjeva iz opisa predmeta nabavke i tehničkih specifikacija, komisija je utvrdila da su ponude od sva četiri ponuđača prihvatljive, jer ispunjavaju sve uslove iz tenderske dokumentacije. Vrijednost prihvatljivih ponuda bez PDV-a su sljedeće: „AIK INŽENJERING“ doo Banovići je dostavio ponudu po cijeni od 4.915,10 KM, ponuđač „RADIS“ doo Istočno Sarajevo je dostavio ponudu po cijeni od 3.077,28 KM, ponuđač Institut za građevinarstvo „IG“ doo Banja Luka je dostavio ponudu po cijeni od 4.231,26 KM, a ponuđač „NOING“ doo Tuzla je dostavio ponudu po cijeni od 4.915,10. Za navedeni postupak javne nabavke nije bila predviđena e-aukcija, a kriterij za ocjenu ponuda je najniža cijena.

Polazeći od činjenice da je ponuđač „RADIS“ doo Istočno Sarajevo dostavio ponudu po cijeni od 3.077,28 KM, koju je komisija za javne nabavke ocijenila kao neprirodno nisku u odnosu na procijenjenu vrijednost i vrijednost drugih ponuda, postupajući po članu 17. stav (8) Uputstva za pripremu modela tenderske dokumentacije i ponuda, Komisija je aktom broj: 02-11-1052-7/25 zatražila od navedenog ponuđača da dostavi pojašnjenje neprirodno niske cijene svoje ponude.

Ponuđač „RADIS“doo Istočno Sarajevo je dostavio "Obrazloženje cijene broj 2079-09/25 za koje je komisija utvrdila da je u skladu sa članom 66. Zakona o javnim nabavkama BiH jer su dostavljene detaljne informacije o relevantnim sastavnim elementima ponude.

Po ocjeni komisije, vrijednost najpovoljnije ponude iznosi 3.077,28 KM, što je niže od procijenjene vrijednosti, te je Komisija putem Zapisnika o pregledu i ocjeni ponuda preporučila donošenje Odluke o okončanju postupka javne nabavke i izbora najpovoljnijeg ponuđača „RADIS“ doo Istočno Sarajevo.

U postupku donošenja ove Odluke, posebno su cijanjene činjenice da je Komisija, pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije. U postupku ocjene provedenog postupka, ugovorni organ Općina Teočak – Općinski načelnik nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Pravilnikom o javnim nabavkama i tenderskom dokumentacijom.

Iz navedenih razloga, primjenom člana 64. stava (1) najniža cijena ponude, Zakona o javnim nabavkama, odlučeno je kao u članu 1. ove Odluke.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- Ponuđačima
- a/a



Općinski načelnik

Tajib Muminović